



Broj: 09-20-11-2-2265/24
Sarajevo, 30.07.2024. godine

Na osnovu člana 43. Zakona o unutrašnjim poslovima Federacije Bosne i Hercegovina („Službene novine Federacije BiH“ broj: 81/14), člana 70. Zakona o javnim nabavkama BiH („Službeni glasnik BiH“ broj: 39/14 i 59/22) i preporuke Komisije za provođenje konkurentskih i pregovaračkih postupaka nabavki u 2024. godini, direktor po Rješenju o ovlaštenju Vlade Federacije Bosne i Hercegovine, d o n o s i

O D L U K U
o izboru najpovoljnijeg ponuđača za Javnu nabavku
klima uređaja

I

Prihvata se prijedlog Komisije za provođenje konkurentskih i pregovaračkih postupaka nabavke, u postupku javne nabavke „Nabavka klima uređaja“, te se ugovor dodjeljuje ponuđaču „INTER-COM“ d.o.o. Zenica, čija cijena ponude iznosi **14.138,00 KM bez PDV-a**.

II

Po okončanju roka za žalbu Ugovorni organ će pozvati izabranog ponuđača radi zaključivanja Ugovora.

III

Za izvršenje Odluke zadužuje se Sektor za materijalno- finansijske poslove.

IV

Ova Odluka objaviće se na internet stranici Federalne uprave policije istovremeno s upućivanjem iste ponuđačima koji su učestvovali u postupku nabavke, u skladu sa članom 70. stav (6) Zakona o javnim nabavkama.

V

Odluka stupa na snagu danom donošenja.

O B R A Z L O Ž E N J E

Federalna uprava policije je provela konkurentski postupak javne nabavke „Nabavka klima uređaja“, broj Obavještenja o javnoj nabavci broj: 1412-7-1-220-3-93/24 objavljeno u „Službenom glasniku BiH“ broj 49 od 19.07.2024 godine. Javna nabavka je provedena putem konkurentskog zahtjeva za dostavu ponuda.

Procjenjena ukupna vrijednost ugovora iznosi 14.200,00 KM bez PDV-a.

Postupak je provela Komisija za provođenje konkurentskih i pregovaračkih postupaka nabavki u 2024. godini, broj Rješenja o imenovanju. godine i 09-19/1-30-2-15 od 04.01.2024. godine.

U postupku je utvrđeno da je Komisija u svemu pravilno postupila, te da je preporuka o izboru najpovoljnijeg ponuđača data u skladu sa Zakonom o javnim nabavkama i tenderskom dokumentacijom.

Također, na osnovu Zapisnika o ocjeni i pregledu ponuda utvrđeno je da je Komisija blagovremeno i pravilno izvršila otvaranje ponuda i ocjenu kvalifikovanosti ponuđača, a o čemu je sačinila odgovorajuće zapisnike, u kojima je utvrđeno sljedeće:

- da su zaprimljene dvije (2) ponude, koje su ujedno i blagovremene, i to ponuđača: „HIDRO-GEO INŽINJERING“ d.o.o. Tešanj, i „INTER-COM“ d.o.o. Zenica;
- da nije bilo neblagovremeno zaprimljenih ponuda,
- da je Komisija konstatovala da je ponuda ponuđača: „INTER-COM“ d.o.o. Zenica **prihvatljiva**, te da ista ispunjava sve tražene uslove iz tenderske dokumentacije,
- da je ponuda ponuđača „HIDRO-GEO INŽINJERING“ d.o.o. Tešanj“ ocjenjena kao **neppravilna** iz sljedećih razloga:
U tehničkoj specifikaciji za stavku pod rednim brojem 1. „Minimalne tehničke karakteristike koje se traže“ tenderskom dokumentacijom je traženo „Nivo buke unutrašnje jedinice **25/26/36/43 db**“ dok ponuđač HIDRO-GEO INŽINJERING“ d.o.o. Tešanj nudi u svojoj ponudi „Nivo buke unutrašnje jedinice **25/26/36/46 db**“, što odstupa od tehničke specifikacije predmeta nabavke;
- obzirom da je Tenderskom dokumentacijom predviđeno održavanje e-Aukcije, a kako je zaprimljena samo jedna prihvatljiva ponuda, Komisija je u skladu sa članom 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj: 80/23) dala preporuku Ugovornom organu da se za postupak javne nabavke „Nabavka klima uređaja“ dodjeli Ugovor ponuđaču „INTER-COM“ d.o.o. Zenica čija cijena ponude iznosi **14.138,00 KM bez PDV-a**, odnosno **16.541,46 KM** sa PDV-om.

Iz navedenih razloga, a primjenom člana 69. stav (1) tačka a) Zakona o javnim nabavkama, odlučeno je kao u dispozitivu ove Odluke.

Pravna pouka:

Protiv ove Odluke može se izjaviti žalba ugovornom organu, Federalnoj upravi policije Sarajevo u roku od 5 (pet) dana od dana prijema ove Odluke.

DIREKTOR
(po ovlaštenju Vlade FBiH)
GLAVNI INSPEKTOR

Vahidin Munjić



Dostaviti:

- Sektor za mat. fin. poslove
- ponuđačima
- u spis